

Sarkina Bt Mat Saad @ Shaari

From: Unit Komunikasi Korporat
Sent: Thursday, August 9, 2018 11:58 AM
To: UUM - All Staff; UUM - All Students
Subject: ISDC 2018 Bincang Peranan Profesion Kerja Sosial Di Era IR 4.0



Unit Komunikasi Korporat
CORPORATE COMMUNICATION UNIT
Universiti Utara Malaysia

9 OGOS 2018 / 27 ZULKAEDAH 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohd Amir Aizat Sainon

Gambar oleh: Muhammad Shamsul Shafie

ISDC 2018 BINCANG PERANAN PROFESION KERJA SOSIAL DI ERA IR4.0



UUM ONLINE: Bagi mendepani isu dan masalah sosial yang telah banyak berubah seiring dengan perkembangan revolusi industri, Pusat Pengajian Psikologi Gunaan, Dasar dan Kerja Sosial (SAPSP), Universiti Utara Malaysia (UUM) dengan kerjasama Institut Sosial Malaysia (ISM) menganjurkan 3rd International Social Development Conference 2018 (ISDC 2018) mulai 8 hingga 9 Ogos di EDC Hotels and Resorts.

Persidangan yang bertemakan "Sustainability of Social Development and the Roles of Helping Profession in the Era of Industry 4.0" diadakan bagi meneroka isu psikososial yang mempengaruhi individu, keluarga, dan masyarakat dari segi memahami dan membangunkan

strategi intervensi praktikal untuk meningkatkan hidup masyarakat di era Revolusi Industri 4.0 (IR 4.0).

ISDC 2018 dirasmikan oleh Penolong Naib Canselor CAS, Prof. Dr. Huda Haji Ibrahim.

Dalam ucapannya beliau berkata kemajuan dan perubahan dinamik dalam profesion kerja sosial sangat dipengaruhi oleh implikasi revolusi perindustrian yang dikatakan revolusi yang tidak pernah berakhir.

"Akan ada revolusi ke-5 atau ke-6 yang akan datang dan pastinya profesion kerja sosial akan terus berkembang, maju dan menyemak semula strategi-strateginya untuk mengatasi teknologi yang tidak diduga dan implikasinya kepada masyarakat.

"Justeru persidangan ini diharap dapat membincangkan dengan teliti isu kemampunan pembangunan sosial dan peranan profesion kerja sosial di era IR 4.0 dan menjadi platform untuk mengumpulkan dan menyebarkan pengetahuan terkini dalam profesion kerja sosial," ujarnya.

Sementara itu, menurut Dekan SAPSP, Prof Madya Dr Noor Azniza Ishak, ISDC 2018 menarik penyertaan kira-kira 150 delegasi dari pelbagai negara seperti Malaysia, Filipina, Indonesia, Pakistan, India dan Jepun.

"ISDC turut diisi dengan dua ucap terna yang disampaikan oleh Naib Presiden Hal Ehwal Akademik, Mindanao State University, Marawi City, Filipina, Prof. Dr. Alma E. Berowa dan Presiden Malaysian National Computer Confederation (MNCC), Prof. Dr. Ahmad Zaki; pembentangan 68 kertas kerja dalam tiga sesi selari dan juga pembentangan poster," katanya.

Tambah beliau ISDC diharap mencapai matlamat dan objektif IR 4.0 dalam bidang penyelidikan khususnya dalam pembangunan masyarakat dan peranan profesion kerja sosial.

Hadir sama Pengarah ISM, Dr. Al-Azmi Bakar dan Timbalan Pengarah, Jabatan Kebajikan Masyarakat, Kuala Lumpur, Puan Liah binti Pariuk.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.